

sralu' na' Itaal

masiulaqi' cu' mamatuu' ru mapitu' cu' riaux ku' ulu'laqi' na' Itaal ini ga masihwaw ku' puga' naha' ga pasraluan ni' yaya' ini ga nanabakis. tayhuk cu' qutux ru usayng cu' buwating la ga pasraluan ni' yaya' ini ga nanabakis ku' ulu'laqi' uwi. muwag cu' ralu' cu' cunga' ga, kuruma' ga gumlug cu' gaga' na' Itaal tikah ku' ini glug cu' gaga' na' itaal. gumulug cu' ralu' na' nakautas ini ga yaba' na' nakautas. asikina ga ini glug cu' ralu' na' yaba', yaya' ru matasasuway. ini glug uwi cu' ralu' na' qasinug, pinumuwa', ragiyax, luliyung, buwating ru buliqu. muwah la ku' sebu' na' tu'iya' 'i' malahang ku' Itaal la ga yani pasraluan cku' ralu' na' tu'iya' ka hani la.

'i' pungan ku' ralu' na' Itaal cu' cunga' la ga babaqun cu' maliku ini ga kanayril 'i' hiya' la. talay ta' pisa'? Yumin, Yupas ru Baay ga yani capaang

a' ralu' na' mamaliku. Iwal, Haking ru Yuma' ga yani capaang a' ralu' na' kakanayril. ini packa' ku' ralu' na' tu'iya' ki' Itaal. kiya capaang na' gaga' ku' ralu' na' Itaal. maglug cu' ralu' na' nakautas ku' ralu' na' ulu'laqi'.

mitaal cku' pinatas ru kinaal na' nanabakis ku' gumlug cu' ralu' na' nakautas ku' ralu' na' ulu'laqi' ga babaqun ta' cu' humicuwa' ku' Itaal ki' nanabakis ka aruwa'. makaqutux ru makariaxriax ku' kinaal nku' gumlug

cu' ralu' na' nakautas ku' ralu' na' ulu'laqi'. talay ta' pisa'? 'i' masiulaqi' ku' ulaqi' la ga rarima' 'i' pasraluan na' nanabakis naha' maha', Yukan na' Yupas ku' ralu' na' ulaqi' ka hani. Yukan ku' ralu' na' ulaqi', Yupas ku' ralu' na' yaba'. Yukan na' Yupas ga yani cubalay ku' ralu' na' ulaqi' ka hani la. imi' ni' Yukan na' Yupas ga Yukan ga ulaqi' ni' Yupas, ini ga Yupas ga yaba' ni' Yukan. yani ku' gaga' na' Itaal maha' gumlug cu' ralu' na' nakautas ku' ralu' na' ulu'laqi'. 'i' kuwing ku' ulaqi' niya', 'i' hiya' ku' yaba' mu'. ini baqi' putingi' ku' qutux cu' imuwaag. kalanay ta' ku' Yawi' na' Kyusi', Baay na' Yawi. minuwah cku' qutux gamil ru qutux cu' imuwaag cubalay. gumlug cu' ralu' na' nakautas ku' ralu' na' ulu'laqi' kariariax.

talan ku' ralu' na' matasasuway ga babaqun cu' qutux cu' imuwaag. talay ta' ku' ralu' na' Yupas na' Watan, Baycu' na' Watan ru Yumin na' Watan. yani ku' ulaqi' na' Watan ku' tugal ka hani. minuwah cku' qutux cu' gamil. ita' ga qutux yaba' ru yaya', qutux cu' gamil ru qutux cu' imuwaag. talan 'i' gumlug cu' ralu' na' nakautas ku' ralu' na' ulu'laqi' kariariax. yani capaang na' gaga' na' Itaal ku' masralu ka hani. yani uwi ku' sinubilan na' nanabakis na' Itaal cku' kinabahan niya'.

.

泰雅族的命名制度

小孩出生六、七日臍帶脫落之後，或在一、二個月之內，由其母或長輩為小孩命名。名字以襲名為主，創名較少。用祖父母或曾祖父母的字，不會用父母或兄弟姐妹的名字，不用動、植物或山川河嶽以及星宿之名。外來統治者統治臺灣之後，泰雅人都被賜「漢姓」而變成現在的名字。

聽泰雅人名就可知道是男或女，例如 Yumin、Yupas、Baay 等是男性的名字，Iwal、Haking、Yuma' 等是女性之名。泰雅族是親子聯名制，和漢人不同。

泰雅人的「親子聯名制度」是一體性與永恆性。例如孩子一出生，家人給他命名 Yukan na' Yupas，前面的 Yukan 是小孩的名字，後面的 Yupas 是父親的名字，Yukan na' Yupas 是全名，Yukan 是 Yupas 的小孩；或者 Yupas 是 Yukan 的爸爸，文化涵意是永遠割捨不斷的親子關係。從姓名 Yawi' na' Kyusi'， Baay na' Yawi..... 也可知是同一個血脈。

是否是兄弟姐妹也可由名字得知，例如 Yupas na' Watan， Baycu' na' Watan ru Yumin na' Watan 等三兄弟，便提示了這三人都是 Watan 父親的小孩，同源於 Watan 的血族，我們是同一父母，同一血脈，這是泰雅人特有的命名制度，是留給後代子孫最好的禮物。